

Ick Hermen Bennekema, grietman in Vredewolt, vanwege mijns g. h. bekenne ende betuge myt dessen openen breve, dat voir mij sint ghekomen Haye Wyrsema, Hermen Awtzoen, ende Ghese, zijn huusfrouwe, ende bekanden voir em ende oeren erffgen. Dat se hebben verkofft, opgedragen ende overghegeven Focken Sickema ende Teden, zijnre huusfrouwen, ende oeren erffgen.

In 't eerste een weer landes op de Tranen bij de oesterzijdt Hermen Bennekem*ma* thuen, daer Hermen Bennekem*ma* hefft een stuck landes bij op de oesterzijdt. Noch beth een weer landes ghelegen bij de zuuderzijdt Hermen Bennekem*ma* thuen daer Yko Thyaelsema naest bij gelandet is op de oesterzijdt ende Ypo Taynghe op de westerzijdt. Noch beth twe ackers van dat heem zuudwert opgaende ende mitter halver loene. Noch beth den halven kamp. Kan Eepko myn uuthbrenghe myt rechte dan de helffte, daer sall Haye onbehaelt van wesen. Vrij ende quiijt erfflickende ende ewelicken dyt voirs. landt toe brucken ende toe besitten oeren vrijen willen daermede tho doen.

Ende vrij thoe waeren voir alle ansprake voir eene sume gheldes ende goedes de Haye ende Ghese voirs. bekanden dat hem vull ende all betaelt was tot oeren wille den lesten pennynck mitten eersten. Sunder alle argelist. Dyt oirkonde ick Hermen Bennekem*ma*, grietman voirg. myt des ghemeen landes zegell beneden an dessen brieffe ghehanghen.

Ghegeven in den jaer ons Heren dusent vijffhondert ende achte, des sonnendages nae Sunte Katherinen dach virginis.

(Bron: Groningerarchieven.nl)